

Na osnovu člana 4. i člana 8. Zakona o koncesijama Zeničko-dobojskog kantona ("Službene novine Zeničko-dobojskog kantona", broj 5/03) i člana 16. stav 2. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, na 147. sjednici, održanoj dana 06.02.2014. godine, donosi

## **ODLUKU**

### **o dodjeli koncesije za istraživanje termalnih voda na lokalitetu Žabljak, općina Usora**

#### **Član 1.**

##### **(Saglasnost)**

Daje se saglasnost na „Studiju o ekonomskoj opravdanosti eksploatacije termo-mineralne vode na lokalitetu Ada Vrbak, Žabljak, k.č. 296/6“, izrađenu od strane „GEOTEST“ d.o.o. Tuzla, oktobra 2013. godine.

#### **Član 2.**

##### **(Predmet koncesije)**

Općini Usora (u daljem tekstu: Koncesionar) dodjeljuje se koncesija za istraživanje podzemnih termalnih voda u svrhu korištenja geotermalne energije, pomoću bušotine dubine 2.000 metara, na parceli k.č. 296/6, površine 7.566,00 m<sup>2</sup>, upisana u P.L. broj 54, K.O. Tešanjka, kao državna svojina, korisnik općina Usora.

#### **Član 3.**

##### **(Zaključenje ugovora o koncesiji)**

Zadužuje se Ministarstvo za poljoprivredu, šumarstvo i vodoprivredu (u daljem tekstu: Koncesor) da u skladu sa ovom Odlukom i odredbama Zakona o koncesijama zaključi Ugovor o koncesiji sa Koncesionarom.

#### **Član 4.**

##### **(Elementi ugovora)**

Osnovni elementi ugovora o koncesiji su:

- Vrijeme koncesije za istraživanje je 2 (dvije) godine dana, računajući od potpisivanja ugovora;
- Koncesionar je dužan hidrogeološka istraživanja vršiti u skladu sa „Projektom osnovnih detaljnih geoloških i hidrogeoloških istraživanja termalnih voda općine Usora“, izrađenog od strane „GEOTEST“ d.o.o. Tuzla, oktobra 2013. godine;
- Koncesionar se obavezuje da u roku od 30 dana od donošenja ove Odluke, a prije potpisivanja ugovora o koncesiji uplati jednokratnu koncesionu naknadu od 7.566,00 KM, u skladu sa članom 3. Odluke o utvrđivanju minimalnih naknada za koncesije („Službene novine Zeničko-dobojskog kantona“, broj: 6/13);
- Koncesionar je dužan pridržavati se zakonskih propisa koji se odnose na vršenje hidrogeoloških radova i uslova propisanih u urbanističkoj saglasnosti, koju je Koncesionar dužan pribaviti prije potpisivanja koncesionog ugovora;
- Po isteku vremena datog na koncesiju za istraživanje, Koncesionar je dužan izraditi elaborat o izvršenim istraživanjima, urađen od strane ovlaštenog pravnog lica, koji će sadržavati podatke o utvrđenoj minimalnoj izdašnosti i podatke o kvalitetu vode ;
- Pravo nadzora nad provođenjem odredaba ugovora zadržava Koncesor;

**Član 5.**  
**(Vrijeme važenje odluke)**

U slučaju da Koncesionar ne otpočne sa istraživanjima u roku od 1 (jedne) godine dana, od donošenja ove Odluke, smatraće se da je odustao od realizacije projekta.

**Član 6.**  
**(Stupanje na snagu)**

Ova Odluka stupa na snagu narednog dana od objavljivanja u “Službenim novinama Zeničko-dobojskog kantona”.

Broj: 02-\_\_\_\_\_ /14.

Datum, 06.02.2014. godine

Z e n i c a

**PREMIJER**

***Munib Husejnagić, dipl.ing.maš.***

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Općina Usora,

putem Ministarstva za poljoprivredu, šumarstvo i vodoprivredu,

1x “Službene novine Zeničko-dobojskog kantona”,

1x a/a.